

四庫全書

集部

欽定四庫全書

集部

石田文集卷四

詳校官庶吉士臣龍廷槐

侍讀臣孫球覆勘

總校官編修臣王燕緒

校對官中書臣高中

謄錄監生臣黃臣鵠

欽定四庫全書

石田文集卷三

元馬祖常撰

七言律詩

用樂天韻因效其題詠閒意

縑絲車響雨來稀
菴畫圖中住翠微
村北村南桑扈叫
家前家後竹鷄飛
青憐藤蔓春牽屋
綠愛荷盤夏剪衣
更憶江天家萬里
行逢僧子借船歸

寄王繼學待制

奎文爛爛繞樞旁一代詞臣屬馬楊
天碧綾浮鸞誥濕水蒼玉動鵠袍
光侍祠竹殿辭靈幣奏對楓宸拜帝觴
藉甚聲華才更逸如何三十不為郎

壽郝大參

退傅歸來髮尚青角巾閒對老人星
鳳凰池上辭松閣鸚鵡洲邊買竹亭
留客只談三里霧見人不問五侯鯖
慚無剛卯為公壽他日淮南種茯苓

和張彥清司農喜雪

二首

剡船乘興便閒來不問樽罍幾日開
春水起時寒欲盡梅花多處氣先催
天街綽約清光遍雲幌依稀舞影迴
已是豐年調玉燭京華倦客豈悠哉

萬木鱗皴凍欲驚曉雲一色望中迷
紛披紈素拈花樹點綴珠璣布稻畦
沙嶼有聲鳴夜鶴水溪無影照山鷄
蓬山仙客多清興閒日題詩對紫泥

寄隱士

林下蕭然一病身可憐家計若為親
葛花藤蔓供山貢
菰米蓮房給水珍
鶴子見貧能代僕
犬兒知主會憎人
清朝日日弓旌出誰說巢由不肯臣

送趙敬甫侍御赴江西鎮

南昌會府盛才猷
驄馬辭天又此遊
二十八州當左轄
幾千百里望前旒
江明旌節文魚躍
秋入衣裳畫鷁浮
若見昔年徐孺子
急須下榻問名流

寄吳真人

二首

彈琴峽北翠華遊
仙子翩翩夾御輶
日觀占雲乘顥氣
星壇回斗酌河流
菊花香晚思三楚
桂子秋高下十洲
應憶南都舊狂客
青田歸鶴作書郵

竹宮日近鳳凰遊
龍輅秋清白玉輶
羽服侍嚴天帝子
鵲冠書讀道家流
雲高塞嶺松生石
霜入江鄉橘滿洲
仙客通靈塵慮盡
南風日日作詩郵

寄王繼學

天北剛風去馬輕
葛巾清景駐瑤京
裁書綵筆卿雲爛

照字青藜子夜明簷鵲聲乾人問訊烏鳶飛慣客驚迎
靈槎八月應南下夜聽銀河有浪聲

奉和鄂通都事秋懷

靈河七夕巧雲稠墜露聲清夜得秋月冷桂花飄左界

山寒

一作空
又作深

荔子落東甌人憐紈綺裁衣袂誰借蒲葵

剪扇頭竹影近窓砧杵急夢隨南客問行舟

九日在告

青山到屋三十里瘦馬不能閒一過欲趁重陽浮菊蘂

轉愁落葉下岩阿南鴻帶雨秋飛急北谷來霜夜杵多
病裏題詩遣野興何人携酒與高歌

送侍御之南臺

雲蕊天然拂曙橋鍾陵松檜識南朝臨書應憶晨趨漏
把酒何妨夜聽潮官美當年裁錦繡時清今日奏簫韶
佇觀召對通明殿別擬題詩寄使軺

送王眉叟真人還錢塘

濤江秋半潮頭起來鶴亭高瞰雪堆白氎仙衣分鷺羽

綠華洞府乞松栽，閒留長日人間住。
獨伴飛雲海上迴，何事而今東去疾。
孤山十月早梅開。

題若容

擊劍酣歌白日迷，高情邈邈見天倪。
石潭藻舞魚深泳，花嶼春明鳥自啼。
架上道書研宇宙，篋中衣帶剪虹霓。
洞房清晝奩香轉，坐聽東街馬過泥。

雙頭菊

金屈卮邊醉袖垂，秋雲如幄貯仙姿。
寒生小靨迴鸞動。

香入流蘇睡鴨移結綬巧承西顯曲落鈿羞帶月支眉
青霜為我催憔悴銀屋何人怨別離

壽故相秋谷

鄴侯書帙滿高堂韓國封圻啟故鄉鳩杖倚雲吟雪岫
鳳笙吹玉薦霞觴人間宰相青霄近天上神仙白髮長
豈獨壽星明子夜春風岑蔚長琳琅

壽閒閒真人和吳養浩博士韻

太乙壇高夜氣寒三芝八桂影闌干寶雲靈獸青金鼎

素靄凝冰白玉冠
竹雪珊珊承步響
松花拂拂落衣乾
高真御氣仙官應
南極星騎五色鸞

壽中丞公

石室巾箱爛卿雲
芝庭旌節照秦軍
三珠樹茂仙官應
二葉萱生壽歷聞
皎皎素心凝北雪
垂垂白髮濯南薰
太微光氣明如水
坐見臺烏集夜分

送道士趙虛一祠海岳

三珠樹影滿雲間
萬里南天去鶴閒
弱水浮舟求玉磬

玄都結襪繫瑤環吹簫谷口雲遮路
貰酒江邊月動山
仙子無心問塵俗手中空握五芝還

送呼圖克岱爾著作祠岳瀆

戊午狀元

日長東觀著書清絳薦龍香為帝擎山岳發靈銀甕出
河宮迎節馬圖明行觀謠俗期星使歸奏蕃釐拜月卿
千里楚鄉乘傳去關人應識棄繻生

和張蓬山司農韻

蓬山高對石淙莊水磴飛輪日濺霜后稷官清芝檢濕

杜陵天近竹練涼題詩獨喜輕紈素書笏重須奉赭黃
下客揚雄貧嗜酒只今先有碧筩觴

和繼學郎中送友歸越中

薊門東望海無波誰許山人問薜蘿雀舫春聲留水鷺
鵠袍秋影動天鷺鑑湖草滿芙蓉少鄞縣

一作水

潮來壯

蠺多羞見京塵遮帽頂羊裘亦欲換漁蓑

贈劉時中

江海歸來氣尚豪五談便合擁旌旄青衿令子箕裘美

白髮賢妻并白勞才大豈能期世用數竒還不救名高
公卿知己吹噓易笑我官曹似馬曹

挽何得之先生

手織烏紗日賣錢全家閒住五雲邊伏生有女書空在
伯道無兒世共憐北市行歌花爛漫西亭坐嘯月嬋娟
少微光氣今年闕知是詩隨過海船

應制壽趙國公

聖德如天念老臣詞林奉詔製詩新龜齡何藉依潭菊

鶴髮偏宜對雪筠
八蜡節迎千室飲
三公官貴一身貧
角巾野服林亭下
正是耆英社裏人

過錢塘

老翁八十能鉏豆
記得江南亡國時
驕將臨邊方棄甲
孱王入海却張旗
過秦才子方頭白
辭漢仙人豈淚垂
東觀史臣班馬行
乞書今古作元龜

錢塘潮

石橋西畔竹棚斜
閒日浮舟閱歲華
金鑿懸崖開佛國

玉分飛瀑過人家風杉鶴下春鳴埵雨樹猿啼暝蹋花
欲賃茭田來此住東南更望赤城霞

追和許渾游溪夜回韻

溪水連雲過竹間溪聲雲影半潺潺鶴來近屋童看熟
鷺下長松客對閒直待月痕侵石塢還期烟色認柴關
人生豈獨官為貴好向君王乞越山

書事

伏蒲論事屢逢訶白髮而今更奈何好去仙山尋種杏

敢期帝里要鳴珂
囊中舊笏書青竹
篋裡新袍稱紫荷
百畝湖田三畝宅
南天春雨白鷗多

蓋善長御史泗濱堂

泗水千年碧似藍
泗濱華屋締榱桷
人從路北耕春雨
山自徂徠供夕嵐
方印只今垂組紐
長檠猶獨近書龕
天邊倦客滄洲遠
卷裏題詩興未堪

奉和新除袁侍講見寄

周京宴鎬漢汾河
蓬鱸何須丙穴槎
東觀橫經環壁水

承明寓直賦卷阿人間玉價連城少天上文奎左界多
長日相思南望切羲車休怕魯陽戈

賦王叔能宅芍藥

鶯粉分奩艷有光天工巧製殿春陽霞綵裊積雲千疊
寶盃脂凝蜜半香並蒂當階盤綬帶金苞向日剖珠囊
詩人莫詠揚州紫便與花王可頡頏

用繼學郎中韻再賦

花入簾櫳草映裙春雕紅玉百粍分重重艷暈寒浮露

拂拂穠芳暖撲雲秉燭客來追貴主結襦人去嫁夫君
韶華未逐東風老薇省題詩酒半醺

上京翰苑書懷

三首

沙草山低叫白翎松林春雨樹青青土房通火為長炕
羶屋疏涼啟小櫺六月椒香駝貢乳九秋雷隱菌收釘
誰知重見鰲峯客颯颯臨風鬢已星

門外春橋漾綠波因尋紅藥過南坡已知積水皆為海
不信疏星又隔河酒市杯陳金錯落人家冠簇翠盤陀

薰風到面無蒸暑去鳥長雲奈客何

萬里雲沙碣石西高樓一望夕陽低谷量

一作深

牛馬烟

霞錯天險山河海岱齊貢篚銀貂金作藉官窰磁盞玉
為泥未央殿下長生樹還許尋巢彩鳳栖

自和星字韻

天路扶搖上鳳翎龍岡初雨佛螺青不須李實沉冰井
却愛花陰轉月櫺蠻府納琛珠度網精藍浮屋木攢釘
要知聖世求賢急夜夜官占處士星

九十三歲老人康寧居宣德府

我無麴蘖為春酒翁得期願作壽棚鳩杖賜來堪佚老
鵜梁辭去不同升五原白磧秋迷樹一曲黃河夜合冰
古有乞言今可待逍遙全福見玄曾

送胡長史之浙憲

淞水秋濤溢尾閭外臺清政自涵虛七州課窳求儒效
一府分曹責吏書冰蘖久知諧素履風霜茲復見廉車
春坊記我曾聯屬懸喜迎親侍板輿

送史顯甫之南臺

江東宛在國門南，臺府治書即坐談。
十道廉車彈鬼蜮，百城公牘問梗枿。
高名不倩官為貴，雅士方知俗可慙。
使節賜環君莫厭，侍臣催入待傳柑。

次韻王參議寄上京胡安常諸公

四首

冰盤珍果進紅消，九部新聲擬奏韶。
洛宅土中諸國會，甘泉天近從臣朝。
仙官鳬至應飛舄，廉吏珠還豈織綃。
早晚秋河烏鵲度，彩霓千丈不須橋。

石甃氷漸古不消廣寒張樂喜聞韶五坊戲馬春旗合
百隊回龍曉仗朝闔闔門高承藻井番禺縣遠貢鮫綃
年年載筆陪京道題柱相如又過橋

步輦晨移紫殿陰龍光天表影浮沉講臣白首求儒效
宰屬丹衷體聖心池上鳳凰當閣早洲邊鸚鵡浴江深
太平化日長如歲賜酒頻來豈抱琴

省中溫樹晝陰陰郎署熏衣盡麝沉星近紫垣明上界
日行黃道對天心和鸞秋駕車塵靜佩玉朝鳴漏水深

好乞龍門灘上石種桐千尺斷為琴

次韻宋顯夫

東觀著書閒日少還能信馬御溝行
翠華閣迴天雲近
海子橋長日棧平
冰泮水深船對屋
日遲春早樹迷城
芳年似酒何人問
盡屬而今坦率生

次韻王編修送彭道士南歸

故山松老鶴知年
歸寫丹經帶
槧鉉鍊杏春林求水碧
步虛秋館佩山玄
石鞭海上無精衛
花發江南有杜鵑

一曲鑑湖何處覓我今騎馬似乘船

送杜時可提舉儒學

成都萬里不可到見君西去動我情
百鵲夜啼巴樹遠雙鳬秋浴滄江清
學官米廩出邑屋弟子書笈過金甌
三十儒冠桑梓國猶記太常韶護聲

贈陳玉林道士

學士書名御榻前先生歸卧大江邊
飛龍亭在山還好伏虎丹成鼎不穿
萬頃玉林烟滿地九重金闕日升天

聖君若許秦淮去擬借雲房宿一年

貢院憶繼學治書

棘闈粉署隔重牆校藝分官屬正郎五夜風簾燒蠟燭
九天冰樹劑龍香周旋接武尚書履供帳留箇御史床
臚唱閣門春色曙侍臣應奏慶雲章

治書寵和誤用光字仍再次韻

首二

金吾魚鑰限南牆襍被淹旬借直郎燈轉九枝回書景
筆題雙榜奪春光番禺珠琲寧無樹勾漏丹砂信有床

明日大廷親策試
昭回雲漢見天章

春巷門深薜荔牆
月輪修桂倩吳郎
入簾縹緲浮簷影
出院紅筵映酒光
駿馬百金還買骨
靈龜五總不支床
治書臺上風霜劇
回首文場賦和章

治書再和復次韻

西南春巷杏花牆
索米長安漢戟郎
市裏忽聞鷄吐綬
海邊還報鳥含香
月移桂樹通階石
芝發銅池謝井床
儼直閣門休沐夕
新詩刻燭賦千章

貢仲章待制寵和次韻

宮雲光影度椒牆待制官高不是郎夕拜日升龍尾道
朝回天賜馬人牙一作香戴憑久負談經席阮籍唯知近
酒床春巷杏花開未遍門前欣得碧霞章

高彥敬黃州雲山圖

雲山萬疊江南岸江北高樓眺望時晴靄蔽虧橋過市
夕霏蒼蔚樹連枝行人不帶遮塵帽遊客嘗攜注酒卮
我有故園淮水上竹岡相接到黃陂

濟南張老人

張翁八十髮青青閒愛湖光瀉醪醕不賣道邊居士履
還隨天上老人星花濃蜜露鶯調舌石戴車雲鶴養翎
我欲東遊華表柱古書重向伏生聽

畫古木

桑空河上生賢相楓老山中化羽人未借九關當地軸
還曾八月上天津雷燒桐尾琴材古玉刻龍形劒具新
雨蝕蒼皮苔護石泉春玉乳月翻輪東堤楊柳春烟暖

西浦芙蓉曉露勻
偃蹇孤根岩壑氣
我知槭樸不為薪
繆郎中雪谷早行圖

十里寒林葉盡凋
谷中深雪客行遙
留連獻賦游梁苑
辛苦哦詩過灞橋
竹裂若聞金石奏
山空不聽斧斤樵
未央殿上冰花滿
郎吏催班已趣朝

東平慈母

高堂慈母晝垂簾
花蕊青春不拂簷
雨濕堦蘭紅爍爍
烟浮墳草碧纖纖
兒翻舊繡裝書帙
女染新絲刺鏡奩

過客莫題華表柱
聖鄉仁俗溢閭閻

鄆陵別南客

稜層林表白浮圖
古鄆城高客望孤
秋雨喜沾梁土麥
暝烟愁合楚田蕪
行人北上隨沙鴈
歸客南還對渚鷗
溱洧波清多草樹
百年生聚尚繩樞

坐曹

太平文物屬儀曹
長日垂簾手板操
望裏鸞栖知省樹
坐中鯨掣得宮袍
舍人草制春朝急
郎吏分祠夜拜勞

禮樂南宮官獨美尚書詩句詠蒲萄

盤居李氏

京塵散盡洛生貂高隱盤居獨寂寥李愿固知周士貴
黃公還受漢家招山中白石饑來煮鑪裏丹砂靜後燒
夜讀五經同異處更嫌秋樹響風飄

一作
颺

寄弘長老雲山

曙雨初生蟬螻橋梵山吟咀不移朝曾分禪榻春盤礪
更想雲山夜寂寥繭紙題詩尋伴少郢筒沽酒入城遥

佛龕千丈金銀界照世酥燈弟子燒

贈醫士簡秋碧

華陽茅主送黃精太岳秦松與茯苓上藥相時登壽域
良醫名世即仙靈教人攝氣如龜息笑我胖身豈鶴形
昔一作若借刀圭明月合浮生都可享遐齡

送西臺治書張孝錫

關符先過漢祠州鄉國淹遲父老留黃竹有歌天子聖
青蒲無伏諫臣憂黃河夜落魚龍上華岳天低草樹浮

萬里西南觀黜陟廳前涇渭已分流

送吏秉文祠岳瀆還家

驛吏候官江漢晚皇華星使賜袍光金明繅藉得神玉
鈿合文奩出內香井絡坤維山國壯朝宗南紀海天長
過家下馬歌桑梓却笑相如負弩鄉

龍虎臺應制

龍虎臺高秋意多翠華來日似鸞坡天將山海為城塹
人倚雲霞作綺羅周穆故慚黃竹賦漢高空奏大風歌

兩京巡省非行幸要使蒼生樂至和

徽政院公退

早春天氣半晴陰坐隔宮牆望上林御水有波皆浴鳳
官橋無柳不拖金相風竿直青雲近井幹樓高綠霧深
朝路暮歸塵更合五方調馬出駸駸

贈壺洲道士

青田山中養仙鶴不去人間作小官夜拜竹宮穿紫氎
晨飛鳬舄上玄壇蕊珠舊結杪櫺子金粟新生沆瀣盤

我有滄洲仍不遠小山桂樹正團團

送安慶路教王中夫

南國烟花一萬重船浮春水正溶溶
舒州城壯山偏護博士官清印自封
夜誦挑燈吟蟋蟀秋行携酒採芙蓉
仙人李白今應在問訊時時過宿松

送蘇州卜者

幾歲京華賃屋居得官猶苦食無魚
成都誰問君平卜江左人知郭璞書
春水浮空波緩緩秋機織字錦舒舒

虎丘剩飲千鍾酒，醉裏高歌闔閭。

送胡古愚歸東陽

二首

藉藉詩中一世豪，瑶池三度食蟠桃。
小移夜雨紅蘭漿，旋剪春風白紵袍。
供奉冰銜從古貴，東陽酒價近來高。
行臺若見王公子，道我官曹似馬曹。

江東廉使
王繼學也

沈約才清不耐秋，歸艎南去漫夷猶。
還家少拂雙鴛被，到闕重修五鳳樓。
袍色映江榮錦里，詩聲傳紙快書郵。
蘭溪畫燭非蓮炬，春早來從十二旒。

奉陪薦食英宗神御殿用繼學韻

乘石松陰偃翠虬
先皇曾此駐龍輶
茂陵弓劒隨天御
原廟衣冠奉月游
藉玉已行周制度
酎金不罰漢諸侯
百磬水陸修蘋醢
望拜孤臣涕莫收

題道士山水畫

江翻墨瀋漬氷絲
白日沉沉暝鵲姿
鶴影照雲星度竹
猿聲裂石澗流澌
千林雨暗歸人急
萬里天長去鳥遲
咫尺東南山水國
仙翁曾約種靈芝

送客歸揚州

揚子江頭水拍天，人家種柳住江邊。
吳娃蕩槳朝生浦，楚客吹簫月滿船。
錦纜憶曾遊此地，瓊花開不似當年。
竹西池館多紅藥，日日題詩舞袖前。

挽黃平山次揭曼碩韻

半生書劍未淹遲，奏賦明光紫橐垂。
西漢滿朝傷賈誼，南陽合郡愛宗資。
名書丹旆懸棺日，餅啗紅綾賜食時。
曾得杏園陪末席，淚流紅浦月初離。

送王參政上京奏選

二首

滇池細馬踏龍沙
宰相朝天路不賒
峽裏琴香春作乳
月中珠樹夜成花
三千禮樂尊儒術
百二山河壯帝家
魚上禹門無點額
直郎宣奏日當衙

千官吉日聽宣麻
白髮文

體要作詞

臣帝汝嘉池鳳有毛皆

五色蕊珠無樹不三花
綠綈詔底書分雨紅錦囊中字
剪霞天路北盤三十六
歸時秋月滿京華

贈內

幾年不到鹿門山，妻子相看亦強顏。
桂樹有枝曾獨折，女蘿無蔓不同攀。
仙人樓上騎黃鶴，野客籠中放白鵬。
莫恨五湖波浪闊，鬢毛歸去未全斑。

陵州留別續總管

賃車同出鳳凰城，十日還同問水程。
烟浦買魚寬客意，河梁分袂念交情。
頌聲擬刻山陽石，節重馳使者旌。
我去淮南茅屋底，著書先記續侯名。

王道士慶壽堂

生男不必皆富貴學道亦足傳其家堂上日進青精飯
窓中曉發蟠桃花放船過江槩蕩月起屋對山門掩霞
陶潜有子覓梨棗小官折腰酒自賒

畫海棠圖

石家五尺珊瑚樹海國千房火齊珠風雨春寒圍錦護
艷陽天暖倚闌扶浣時應貯芙蓉水香處重熏翡翠爐
紅膩不隨蜂背蝕粉勻終為蝶身敷葳蕤綵纈盤仙綬
襞積雲羅絡舞襦青帝化成非幻有杜陵吟老却知無

催開每賴斟鸚鵡吹落還因唱鷓鴣曾見赤城花亞蕊
丹鉛此去不須圖

送貢秀才還江東別業上壽

雅歌謦寫碧雲箋共詫靈椿壽八千天上飛光無短景
人間上壽有長年看花曉塢扶鳩杖漲水春池上鷁船
秀髮疎疎松並綠方瞳炯炯漆爭玄諸郎玉雪庭前滿
仲氏文章海內傳養老會逢親執爵逸書重喜誦亡篇
琴囊紅感天吳錦宿榻青裁海艾毡太史占祥南極下

宰官造命泰階前
雲林舊業青山近
白首江東願一廬
送胡震亨巡檢

獵獵雙弓騎氣張
古來逢掖試穿楊
清江鏡鑄芙蓉月
綠酒筵開玳瑁堂
稻熟萬塍初下水
橘垂千樹已經霜
藍袍包裹迎丞簿
莫負尚書薦鸚章

送毛真人還山

朱提仙印碧霞裳
賜履承恩自尚方
雨洒石壇苔錦滑
日穿油幌竹書光
葉覓此日還滄海
漢鵠當年下建章

琪樹萬叢枝萬本江南歸路水雲香

奏對興聖殿後

萬花簇錦寶簾垂
化日舒舒漏下遲
馬酒金盤流沆瀣
凌人玉井出琉璃
侍臣橐筆皆鸞鳳
御士橐弓盡虎羆
他日滄州應夢想
紫宸端御放朝時

贈都省掾金世用

丞相東曹漢省郎
青雲布一作步

武近舍

光龍門千丈魚

先上遼水三秋鴈
作行伯仲墳簾今又合
季昆金玉古

猶光脊鴿原畔多春草親令兒童禁牧羊

雜詠三首

百丈牽船沂上流清淮從古有三洲浮山堰逐降王去
淝水波因小謝收紅樹有霜還可騎白蘋無雨更宜舟
平生自是多行役莫信吾家馬少游

濠梁無客更觀魚游子行過莫問書潮落沙痕鷗泛少
風回雲影鴈行疎歸帆夜宿山前寺從橐秋辭仗外車
俯仰此身天地內滄洲重去帶經鋤

步出汀洲拾翠翎仙家幢節樹亭亭山隄蒼蔚籠沙穀
波瀾漣漪漾醖醕黃鶴來時天有日玄猿啼處夜無星
舟行又過淮南國招隱詞高世莫聽

挽劉自謙

鯨海曾觀萬里塘青衫歸路髮蒼蒼江淹筆去文都盡
庾信名高宅已荒升斗鷄書何足論古今鵬一作鵬賦更
須傷都門酌酒皆兄弟目斷天南鴈數行

送貢仲章學士

名山星使漢官儀
原隰光華四牡馳
光武不矜銅馬式
王褒先頌碧鷄祠
江雲浮樹春船穩
野雨鳴簷夜枕移
白髮故人相憶苦
可能千里寄梅枝

題李仲賓墨竹

石田皴確萬琅玕
天乞幽人寫素紉
帝里未求吹鳳管
溪翁先覓釣魚竿
玉烟乍合春還煖
書粉初飄露已溥
聞道潞河單舸賤
截篙樂去看江湍

西山

鳳城西去玉泉頭楊柳堤長馬上遊六月薰風吹別殿
半天飛雨洒重樓山浮樹蓋連雲動露滴荷盤並水流
艤岸龍舟能北望翠華來日正清秋

玄真觀借居

山光朝暮鳳池西襟被仙家共鶴栖且向竹林移坐具
都將柿葉寫詩題宅門好傍神清洞書燭終燃太乙藜
昨夜玄壇星斗近步虛聲外望文奎

和閒閒宋宗師牽字韻

牡丹芍藥殿春後落花游絲非有牽
南城道士多芝秀
東郭先生雙履穿飲酒不醉客來惡
看劍長吟我豈仙
空山松桂石齒齒芒鞋襪行雨天

試院雜題

十首

小雨霏微不作泥棘闌魚鑰待晨鷄
銀袍影近花燈立
綵戶光連粉署題霖霖已霑文運慶
綰繡猶覺化鈞齊
端門三月黃金榜應有商霖應上奎

蓮炬銀臺墮蠟泥
毬重席織文鷄計偕萬里人交趾

骨買千金馬月題省樹春回珠蕊亞御溝永泮纈波齊
臚傳名上多龍虎昨夕官占已報奎

詔鸞封濕武都泥賜食沙羊雜樹鷄黃道日中依觀闕
紫微天近隔櫟題麒麟纔出千人賀驚驚初生五色齊
聖主文明天下治澄澄雲漢夾宸奎

一石黃涯半斛泥披沙新詔下金鷄校文眼澁尋詩句
體國心勞選賦題須信楚材生六晉還知漢服出三齊
太平有象文明盛帝主星垣望畫奎

春闈新雨透花泥學士聯詩擬鬪鷄
驀裊龍媒來大宛
後猊獅子出雕題宮花壓帽牌金小
官錦裁袍綬綵齊
奏牘三千方朔健天章爛漫象西奎

歌詩且莫到青泥好倩王褒頌碧鷄
人去淮南愁米價
鴈來江北問書題催花曉樹飄簾密
滋麥春膏覆壠齊
最喜泰階平在位衆星分次繞明奎

切玉昆刀似切泥還憐石鏡舞山鷄
殿前將奏長楊賦
橋上應留駟馬題合浦珠光秋月並
豐城劍氣夜雲齊

校文學士清華職喉舌尚書亦近奎

官曹連舍隔雲泥日下簷牙聽午鷄華表流蘇垂綬結
承塵斗帳鏤銀題艷陽明處花開早社日來時燕到齊
誰占少微江海上都將文氣應天奎

關門不用一丸泥席帽慚聞客舍鷄心校五經無篋笥
手書千牘有籤題馬來楊柳長橋曲船去芙蓉斷岸齊
明日杏園袍笏會紫薇垣外見重奎

遊客春來醉若泥攝官一月伏鷗鷄連箇夜聽同年語

寫紙朝分舉子題
畫閣薰香金篆鬱
銀臺燒燭玉蟲齊
大官已具恩榮宴
列宿重輝想次奎

貢院再用鷄字韻

五雲畫省擣紅泥
孔雀屏開吐綬鷄
射策第高天上奏
抒情詩好竹間題
珍珠箔裏新名滿
鸚鵡班前外仗齊
禮樂縱橫千卷字
人間白日降靈奎

石城縣尉

石城縣尉坐寒廳
日有新詩寫後屏
官小不騎沙苑馬

書多空識楚江萍老兵束矢除階草佐吏休衙罷閣鈴
兄弟幾年為我友何時同舍究殘經

陋巷

入巷無溝水不流庭坳積潦拍堦浮塵埃久隔陂塘淨
雲霧新和竹樹幽汎汎坐知雙鵲喜滔滔行想萬人憂
今年吳會多秔稻廊廟應須念有秋

張居士

手種梧桐斲素琴新開墨沼寫來禽人間日日朱門別

江上年年碧草深
勾漏丹砂慚自乞
鹿門夫子願同尋
我今五十身多病
翹首南雲望故林

送揚州方教授

煬帝宮前錦纜舟
江都不是古揚州
船中鏡鑄芙蓉月
橋上簫吹楊柳秋
芹藻有歌來士子
魚鹽無賦到田疇
戴憑重席男兒事
莫向淮南怨白頭

送四弟元學南歸

吳松江水是萼羹
汝獨南歸不憶兄
問訊泥塵騎馬出

曾如簫鼓擢船行潮通海浦鱸先到雨濕書芸蠹未生
好葺鴨欄當宅後吾來同汝醉春城

寄王繼學廉使

班超生入玉門關聖德如天遠賜還已有聲華通北斗
又將詞賦動南山薇垣春滿雲猶溼荔浦秋生月更彎
京國故人星散去病來題字不能刪

寄簡西碧縣尹

桃源縣令無齋馬秋日吟詩江水頭錢少陸機猶賃屋

才多王粲更登樓之官便是民如子趨府還知郡有侯
襦袴歌謠今在路軺車徵聘侍宸旒

送薩天錫南歸

千里鍾陵路不遙銀河可惜未通潮龍江擬去浮三翼
鴈嶺翻來給一軺愧有簡書煩遠使恨無詩句詠前朝
清溪水漲荷花滿留水一作永南牀再見招

題京師山堂

夫君家住五雲邊却愛青山近几筵養得池魚通鳳沼

飛來宮鳥認鷗天風簟憂玉香飄粉雨石生苔錦作錢
我亦江東借官舍烟霞堆裏屋三椽

送胡廣御史楚德爾

江漢清秋萬里天繡衣持斧正當年龍溪船上芙蓉水
合浦珠還牡蠣田臺榭霜寒飛白簡庭蘭日暖護青毡
百城官屬勞重問自古難知即墨賢

喜小孫誦書

弋釣為生不負丞江關詞賦屬徐陵舊傳仙訣能淦玉

新試官箴合飲水坐上看雲秋渺渺夢中聽雨夜澄澄
淮天七月猶多暑喜見兒孫學聚螢

光山縣尹孔凝道作縣有聲鄉人爲圖

光山近在故山西樹滿江頭稻滿畦隣屋讀書相教授
社祠醉酒共提携水牛礪角嫌耕少野繭抽絲喜價低
春雨行田無從吏獨騎齋馬畏青泥

無題

首四

瓦溝銀竹曙翻江閬苑涼風滿石幢葛令寄來丹白一

陶公歸去酒瓢雙
梧桐寂寞陳公井
薜荔扶疎玉女窓
天畔帝車呼小鳳
桂花流水夜淙淙

鶴城十二疊瑤光
琪樹懸秋四面香
蛺蝶染花生粉白
玻璃著酒煖金黃
熏爐舊夢憑荀令
燭釭閒吟屬沈郎
南國鴈來書不至
江樓誰為製荷裳

三湘瀟洒恨無潮
烏鵲填河願有橋
丹穴鳳來龍樹遠
海門魚去蜃樓遙
已知京兆誇高髻
不信章華鬪細腰
船尾橫江春水急
長年無事醉吹簫

愛酒書生白髮垂，鸞膠獺髓豈能醫。
漢宮鬪草端陽節，唐殿穿針七夕時。
竹上蠅房真可買，石間芝箭似難移。
揚雄擬奏河東賦，但乞君王酒一卮。

次前韻

岷峨山下錦城江，好買玄都翡翠幢。
竹種篋簾千萬个，鳥飛鸛鵲兩三雙。
銅龍漏下春生水，金馬神來霧入窓。
花落天台招小隱，胡麻飯熟石淙淙。

切玉龍刀寶氣光，袿羅半臂麝膺香。
荔枝囊密媽媽紫

盧橘團金顆顆黃秦氏故侯更漢主石家小婦嫁孫郎
江心誰鑄芙蓉鏡照見嫦娥織翠裳

錢塘八月水生潮邛笮千年竹架橋簾織龍鬚天路近
衣裁蟬翼渚宮遥府中丞相魚垂帶閭外將軍箭插腰
無奈黃金間買賦雲間學得鳳凰簫

樂部韋娘舞小垂病來能召翰林醫嗔人書奏三千牘
勸客歌詩十二時金谷花枝隨雨盡石城江水逐潮移
世間若有神仙術西去瑤池醉酒卮

大明殿進講畢侍宴得詩

二首

勸講京闈咫尺天聖恩留侍大明筵東風律應軒轅樂
左个陽開月令篇春動仗旗四綵暈日浮窓鎖炫華錢
百珍水陸難名品因笑傳柑詫昔年

漢殿千門飾寶璫直郎先奏進經朝諸儒泥古言雖固
明主思賢道已昭飲酒敢同魚藻賦制詩真過栢梁朝
小臣橐筆詞垣側白日無翰邈赤霄

龍門

萬壑奔流一峽開
君王歲歲御龍來
人間塵土常相隔
天上星辰到此迴
草木四時承午日
風雲半夜束春雷
自慚曾奏長門賦
跋馬徬徨念暴鯁

還過龍門

紫塞秋高鳳輦迴
龍門有客去還來
蕩摩日月崑崙坼
吐納風雲混沌開
天帝有神司主宰
地靈無力戴崔嵬
誰知石瀨成飛雨
不使時人污酒杯

次韻繼學桑乾嶺

雲間酒旆揭高竿，蒼翠烟霞屋下看。
一逕似腸縈鳥道，幾人如艇泛松瀾。
龍門有路天津濕，劒閣無銘石骨寒。
便欲乘風凌倒景，八公先到我劉安。

次韵送上官伯圭

二首

閭闔風吹雨

一作向

別州才華生世重，前旒終軍關右須。

乘傳王粲荆南不上樓，黃鶴白雲鸚鵡夢金陵。
江水鳳凰遊，東船載雨瀟湘北。柿葉題詩寄十洲。

笛聲吹徹古梁州，人自天南望宸流。
絲雨縈空黃篾舫。

瀏風清署

一作暑

錦江樓武昌魚美三年別司馬文高萬

里遊急買秫田多釀酒重來袍色映滄洲

次韻李行齋集賢

二首

仙掌高承玉露和夜涼如水曉生波鴈門缺騎橫秋出
象郡金輿映日多月落無鳥啼石樹天低有客泛星河
玉京斗酒錢三百醉倚鰲峰一曲歌

英聲藉甚著天門詩句年來與我論沙磧翳雲歌北塞
稻畦分水夢東屯秋風八月欺茅屋夜雨三更注酒盆

明日桑乾須繫馬翠華過處看承恩

寄姚叅政上都

南薰清暑上京居六月涼亭正好魚雨嶺火明山芍藥

風田金動草

一作早
又作水

芙蕖甘泉曉仗臨前殿京兆秋塵

待屬車侍從文臣行不送舊寮偃蹇意何如

弔王儀伯左丞

生平不肯學時人死後如今毀譽真下惠獨全周士貴
董生猶比漢儒醇中山舊宅詩書滿庚水荒阡草樹新

身達位通心未遂傷哉誰識魯西麟

偶成二

首

自愛屋南芳樹林十朝暑雨翠沉沉地清詎知無棲鳳
烟合時復有鳴禽讀書草堂生曙彩望野古城留夕陰
莫道楚鄉風物陋文章屈宋到如今

出京不寄入京書淮水南邊有舊居官比馬曹過騎省
文因狗監愧相如西岩仙杏終來鳳東谷湯泉亦戲魚
豈是高情能放逸山中蘿桂正扶疎

送宋顯夫南歸

琵琶溝北識君初，藉甚才華二十餘。
欲賦兔園千孝邸，不因狗監進相如。
瀟湘路熟逢知己，韋杜天低望故居。
攜幼歸來拜丘壟，南遊莫戀武昌魚。

駕發上京

蒼龍對闕夾天閣，秋駕凌晨出國門。
十里貔貅騎驤裏，一雙日月繡旗旛。
講蒐獵較黃羊圈，賜宴恩沾白獸尊。
赫奕漢家人物盛，馬卿有賦在文園。

和袁伯長待制送虞伯生博士祠祭嶽鎮江河

后土

二首

芙蓉仙掌坐中低后土霄光

闕

可齊棧路繞雲山有閣

蜀天常漏石無泥岐陽過馬應聞鳳陳寶停軒莫信鷄
使者才華似楊馬題詩應近草堂西

房闥歌兒翠黛摧不禁夫婿陟崔嵬一春花好人相別
四月梅黃雨又來酒酌玉缸酣臉暈香消銀葉蠹爐灰
祠官好致君王意蚤奉神休馬首回

賀王淡齋韻就為壽

雕鑿萬物巧無餘歲晚天教閉戶居
鉅鹿無人問難字
濟南有子授亡書且隨野老籠沙帽
莫遣山童借筍輿
淮北風流似西洛耆英今見此邦初

次吳真人梅花韻

羅浮庾嶺大荒濱
燕薊冰姿好寄身
地勝不招金谷客
賦成重寫洛川神
碧窓逗日留私煦
丹井呼泉瀆古春
草木有知應自喜
白衣如我是山人

次玄德真人韻

罔繿四合偃長虹寶閣霽然上御風萬里山河開日月
九州茅土錫王公麒麟織罽年年出驪褭馱金歲歲同
京國光陰清似水茶甌醒睡笑書空

寄贈揚州王鍊師

仙客吹笙踏月輪因遊淮海悞尋真松花擣月分貧士
柿葉題詩寄遠人清水有潮留載酒春雲不雨取裁巾
江都千樹隋宮柳曾見先生綠髮新

菊枕

東籬采采數枝霜包裹西風入夢涼
半夜歸心三徑路
一作月
一囊秋色四屏香牀頭未覺黃金盡
鏡裏難教白髮長
幾度醉來消不得卧收清氣入詩腸

琉璃簾

吳儂巧製玉玲瓏翡翠蝦鬚迴不同
萬縷橫陳銀色界
一塵不入水晶宮
月華遠射離離白燈影斜穿細細紅
相隔神仙纔咫尺靈犀一點若為通

野興

滄洲梅發月生波屋角寒藤半掛蘿
孤石隱林真似馬亂雲渡水却如鷺
步隨野老逢人少閒過隣家有酒多
轉憶淮南粳稻熟夜歸衝雨借田蓑

石田文集卷三

欽定四庫全書

石田文集卷四

元馬祖常撰

五言絕句

雪中登郡城西亭十首

躡雲上層臺
娟娟撫修林
雜佩遺江妃
遠響聽幽禽
澗谷垂寒藤
冰光見魚影
歲暮風雪交
敲瓶煮茶茗
梅蕊發寒樹
孤芳寄江沙
忽得雲母屏
光色陵歲華

燎桂熏我衣出逢歲寒友澗壑多幽陰觴酒且擊缶
飛花墮橫塘鏡影照宮額天路韶華管吹香慰幽客
石路屐齒滑天風吹高寒花明喜珠綴竹瘦愁露漙
日讀種樹書自喜豐年瑞籃輿行田間相勞興嗣歲
兔跡行可尋馬力寒亦勁馳獵意已銷獨坐有嘯咏
楚甸無層水霖霖土膏濕更憐三角湖澄澈瑩寒碧
濛濛翳江嶼艤船夜問酒路逢白髮翁憔悴看魚笥

聞笛

昔在楚江上笛聲來夜舡江深魚龍動明月下高天

題嵒屏隱士

採藥緣山去彈琴傍澗居隱君多道意曾得茂陵書

弔鄧婦

白日松臺闕青山石槨沉空餘哭夫淚下入九泉深

題四皓圖

二首

不聽高皇召還來太子宮阿嬭人羸禍吾恨紫芝翁
鴻鵠歌雖壯長門事可憂高名紫芝客終不似巢由

蜀葵

風簾晝浮艷露庭曙含滋不見收
羝翁漢節空葳蕤

崢州判官王善父家望岳亭

眉目凜松桂肘腋凌烟霞終慚
隱君子歸去西移家

僧院蜀葵

紫暈成丹景黃萼綴綠幢何因
女冠子却近老僧窓

間題樹葉上

秋意鳳城多涼飈奈夜何題詩
滿霜葉不見洞庭波

題子昂承旨墨竹

汲澗思連筒發船思長篙春雨簷簷孫會長拂雲梢

李夫人畫竹

夫人閨房秀手洒千畝雨不見蒼梧妃彈瑟瀟湘浦

馬戶

日午吹烟起人家半是農賣田當保馬無禍過三冬

桐江

青山圍縣郭碧樹出旗亭千里桐江水分明是醪醕

朝歌

霧黯山沉樹風號路起塵朝歌醉王死周室又歸秦

墨竹扇頭

冰紈已却暑況此碧琳琅好伴玉麈尾涼颺滿高堂

山水圖

石壁雲生樹濤江雨閣船居人屬仙籍長負免丁錢

謝杏子

杏子黃金色筠籠出薊丘味甘醒午寢可是督詩郵

乞扇

二首

端午蒲葵扇郎官寫贈人如何老供奉不得障清塵
紈扇裁團月當知織素人撲螢還有妬障面却無塵

李陵臺

二首

故國關河遠高臺日月荒頗聞蘇屬國海上牧羝羊
蹕林聞野祭漢室議門誅辛苦樓蘭將淒涼太史書

歐陽原功銘馮少府墓

古鼎刻龍文新銘少府君欲聞蒿里挽零露濕秋墳

畫鷹

側視窺霄漢低飛近草萊金韝時一脫肉飽更須回

題猿圃

江渚無來鴈山樊有宿猿秋高盧橘熟巴月樹連村

送客西歸

陸機初入洛王粲却歸秦春草無愁思楊花送遠人

偶成

山中木葉落江上水波生自是年年事漁樵不必驚

黃河

塵海東南下雲山西北高黃流蕩中涵萬里費波濤

舟泊徐州

河發崑崙水天吹廣莫風徐州城下宿一日過淮東

真鄧馬氏

天上圓月虧人間歡喜離千年哭夫處即是結褵時

鄧婦張氏

磨筭山月寒織素機石冷閨深鏡塵奩泉咽水結井

龍眠十六賢圖

林下石床方溪邊竹影涼
高人千載意山水寄餘光

送邵從聖官臨淮

四首

白髮滄洲叟今為漢戟郎
逢君淮上去竚立看歸艎
素月生淮浦青山對縣門
勸農明府在種樹長兒孫
春水淮魚美秋田楚稻香
翰林多故事君莫棄書囊
少小淮邊住蟻珠不易求
因知新縣令齋馬問春疇

四愛圖

蘭蓮
菊梅

湘纍能楚辭，猗蘭為之佩。
千載得涪翁，幽姿未憔悴。
瑩膚中含滋，鮮彩外發藻。
晚紅詠池酣，晝鉛敲岸裊。
的歷黃金華，秋日媚堦徑。
南山種秫翁，飲酒不得盡。
鐵色僵萬木，江南梅有花。
枯蘚纈古錦，明英冠春葩。

獨石

秋瀨喧石梁，臨流不肯渡。
與客坐忘歸，山寒日將暮。

題王氏樓

二首

岑樓臨曲水，小檻背重城。
懶慢淮南客，終須掉臂行。

乳燕穿花去倉鶯拂樹來
淮天春又夏獨立意徘徊

七言絕句

節婦馬氏

二首

織素鳴機曙未分
寒風吹裂嫁時裙
官家莫去催租賦
孀女無心刺綉文

老姑白髮垂肩短
新婦青眉照鏡長
四十年來門戶好
風流今見兩兒郎

楊妃墓

漢廟衣冠照碧燐
唐陵翁仲作黃塵
馬嵬坡上棠梨樹
猶占秦原幾日春

帥臣子劉宗道藏其父之詩請跋

將家子弟讀兵書
欲斬樓蘭換印魚
獨有劉郎偏醞藉
阿翁詩句作儲胥

鎖院獨坐書事口號

七首

松門行屋無人到
恰似蓬船泊浪中
午夜風聲敲雨點
夢回錯認是漁翁

玉署之西松幾樹那知當日是誰栽若在山中濯雨露
更有鶴巢無數來

蜀相功業少陵知萬古千秋更有誰瀘水東流奏鳴咽
褒中春草亦離離

東山百尺瀑布泉跳珠濺玉鳴夜弦綠樹冥冥野花落
鶯啼春曙雨晴天

門前柳枝垂碧絲閨中怨女惜春時剪衣自縫寄征鴈
不對粧奩畫黛眉

洛陽酒債斗十千高樓青旗真可憐牡丹芍藥趁時節
王孫買笑擲金錢

吳娃梳粧趙女妬楚王置酒章華臺走馬還宮張夜樂
誰知樂極却生哀

南城二
首

城南牡丹一百本翰林學士走馬來渡水楊花逐飛燕
薊中芳草送春迴

粟侯亭前花一園客來日日費金錢明朝碧樹春城合

恨不江東問酒船

與庫庫子山郎中

時祈雨
長春宮

中郎齋沐醮星官
風馬雲車下石壇
深夜步虛詞更響
要將靈雨溼春乾

題劉伯宣挽詩

楊子橋邊水正波
薜蘿秋草徧陂陀
江潮日日風波急
似為孤臣賦九歌

送文璋甫入蜀省幕

蜀國海棠紅似錦
況在濯錦江水邊
見君西去飲君酒
恨無成都賣卜錢

慶陽

首宿春原塞馬肥
慶陽三月柳依依
行人來上臨川閣
讀盡碑詞野鳥飛

驪山

三首

繡嶺春來綠樹圓
東風吹影入溫泉
華清夢斷飛塵起
玉鴈銜香墮野田

玉女泉邊翠藻多
石池涵影媚宮娥
可憐繡嶺啼春鳥
猶似梨園弟子歌

華陰道士長松下
留我煎茶看古碑
衣上征塵都莫洗
天風一夜為君吹

洛中

二首

龍門三月洛波清
正是花時過故京
樽酒不來芳樹遠
碧雲初合暮山橫

東望梁園是故鄉
懷歸夜夜夢池塘
春城碧樹淮南路

飲酒當年似漫郎

河湟書事

二首

陰山鐵騎角弓長
間日原頭射白狼
青海無波春鴈下
草生磧裏見牛羊

波斯老賈度流沙
夜聽馳鈴識路賒
採玉河邊青石子
收來東國易桑麻

七夕舟中苦熱

嘗憶銀床桐泣露
更思玉枕蕉流漿
天孫初嫁龍綃薄

却恐秋河入夜涼

戲馬臺

將軍一叱靡

一作廢

千人未可掀髯便笑秦枉築高臺閒

戲馬漢王將地擬功臣

春日即事

梨花白罷海棠紅誰為韶光次第工
小閣捲簾春事晚
佇看蝴蝶過庭東

題攜壺圖

席帽遮頭過野橋詩筒酒榼亦蕭蕭
黔婁吟罷還清渴
欲問先生借一瓢

歌風臺

祖龍無廟托孤魂羽泣妖姬死更奔
獨有沛中隆準客
歌風臺上望鄉村

集袁王二學士詩為首二句祖常足成之

石城月落鴉西堞秋浦天清鴈拂簷
春送亂紅浮酒面
山飄空翠溼書籤

送鄂通蘇蘇副河南憲

二首

絳闕雲低白晝遲
芙蓉露下倚秋池
船逢打雨淇門岸
却憶京華把酒卮

河下渾黃積石來
大梁城下怒如雷
今年宿麥深何許
使者行田看幾回

送胡古愚還越

四首

越江秋水得霜清
夜夜天南婺女明
客子布衣風又急
世間無用是才名

北風吹鴈不成行
客子江邊上夜航
剡紙題詩三百首
人來為我說錢塘

秋樹紅時客欲歸
江寒潮小鷺空飛
東陽有酒賒來飲
莫問桐廬借釣磯

送客歸山天正霜
吳江蠡美橘初黃
上林千樹櫻桃熟
莫戀金華是故鄉

過故相宅

二首

故相門間草自春
宅基一半屬他人
可憐掉臂當時客

盡是風吹路上塵

瓦墜當簷燕不來
白頭老妾買花栽
舊時小吏今身貴
羞近門西上馬臺

題賈氏卷

風樹纏悲墟墓哀
野人一日赦蒿萊
雍門不用空彈淚
曾見漢家翁仲來

題水仙花圖

帝子湘南住
白瑤苔生釵股
纖龍綃蕊香
金粟誰分劑

閒鬪蘭苔上翠翹

龍眠畫馬

海國秋生漢使槎
麝煤誰畫濯龍騮
只今聖主如文帝
留待時巡駕鼓車

孝子徐生卷

署表誰封孝子門
徐生封股兩親存
翁嬖白髮他年去
相對含飴喜弄孫

閩浙之交

五首

月出山頭犬吠雲隔林
鍾磬鶴應聞老僧見客閒留坐
風落松花滿寺門

閩嶠人居菴畫圖客行只欲望京都
筍輿軋軋相思嶺
秋雨空濛叫鷓鴣

九曲清溪下見魚雲林濯濯對高居
南朝文物今都盡
惟有先生幾卷書

路入閩中盡翠微家家蕉葛作秋衣
石墻遮竹松圍屋
時有丹禽哺子歸

山溪秋瀨急飛淙萬斛跳珠濺石矸閩女唱歌來漂芋
素馨花插髻丫雙

桐廬縣

江上船歸暮雨疎山中木落草秋初天寒沽酒桐廬縣
醉擬嚴光絕漢書

跋扇頭郝隆晒書圖

腹笥便便貯五經天過夜半失文星蠹魚不覺芸香苦
肯信腸中有汗青

出都

至治元年春
夏交二首

京塵冉冉歲華新
重向都門問去津
西日銜山沙水晚
通州城下雨沾巾

潞水年年沙際流
都人車馬到沙頭
獨憎楊柳無情思
送盡行人天未秋

雲坳亭

八月淮南鴈又來
雲坳亭畔菊初開
莫言野客渾無事
臨水閒行日幾回

趙氏宗室畫水石

生平已識趙王孫
竹素何年畫石根
萬里南雲秋似水
直容艇子到柴門

和王左司韵

三首

仙官紫府醉霞觴
不信人間白髮長
走筆題詩三百首
敲門先送大中郎

紫橐詞臣詠羽觴
已牋十幅筆花長
却嫌嗜酒揚雄惡
苦向當年作戟郎

松醪灩灩泛瑤觴
玉署承恩化日長
阮籍一生都爲酒
步兵當與晒禪郎

贈王左司

二首

崇真仙酒初相送
明日禪僧又見招
那似中郎深閉閣
終朝對雨寫甘焦

觥船送酒溼宮袍
供奉新詞白雪高
却念故人天近處
奏書千牘坐東曹

上都翰林院兩壁圖

寒江釣雪
秋谷耕雲

欲賣韓家舊石淙釣魚竿底是寒江淮南十月蕪蔭岸
曾見冰花到小窓

突兀秋雲不可耕槎牙老樹半枯榮上京玉署清涼境
閒伴鰲峯作弟兄

調繼學左司

七字詩高畫不如直從龍領摘明珠朝行自避郎官貴
豈是今朝見大巫

題左司帖郎中扇頭

縹禽閒上海棠枝彷彿江南二月時
蘭署名郎心似水
冰紉底事送涼颺

獨立

玉署涼生試袂羅堦庭新雨長青
莎睡醒獨擬三都賦
不換人間瑞錦窠

題華嚴僧筠軒

李涉閒時過竹院
虞郎行處賦筠軒
山中兩閣畫含碧
玄鶴飛來印石痕

詭燕

二首

萬戶千門取意過
銜泥葺補舊時窠
飛鳴上下渾無事
只為新雛避雀羅

風雨池塘鬪頽頽
春來秋去一生忙
世間多少寬閒境
辛苦營巢傍屋梁

送焦德元先還大都監金經及首問家事

二首

塞嶺松濤撼鳥窠
歸人天際裊鳴珂
冰盤丹果維摩室
百斛金泥寫貝多

到家紗縠已熏香
浴罷披襟對晚涼
千樹碧梧陰滿地
不思仙館日偏長

送廬山周道士

崆峒移得三珠樹
獨向江邊種未成
南國祇應仙露少
却來天上瀉金莖

送侯嵩亮

西南萬里青山路
君在峨眉第幾重
莫愛平羌江上水
明年京國約相逢

贈道士謝草池

昨日西宮謝道士獨抱古琴歸洞房半晴半雨天氣潤
不出山門秋晝長

五月芍藥

紅芍花開端午時江南遊客苦相疑上京不是春光晚
自是天家日景遲

潘居士施飯

飯飽千僧洗鉢歸生臺飢鳥拂簷飛山中丈室維摩病

獨向長松掛衲衣

弘州孫同知禱雨

神龍分雨掣靈旗
一夕銀河注野陂
山下龜田禾黍滿
州人歌舞太平時

駿馬圖

天馬西來入帝閑
風駿霧鬣文班房
星一夜光如水
却怨龍媒萬里還

李伯時陽關圖

自古人生苦別離
邊頭征戍更堪悲
渭城客舍無楊柳
閒怨當年李伯時

瑪魯侍郎父監宣城禱雨應

名郎文采動儀曹
却是宣城有鳳毛
閒說當年靈雨應
山田六月水連糟

一作糟

驪山圖

萬戶千門春殿開
溫泉花發翠華來
可憐十月無陽節
獨見浮波玉鴈回

赤壁圖

三國周郎赤壁西江山雖好夕陽低他年銅雀分香妓
猶恨回船戰炬迷

貢院次曹子真尚書韻

四首

漢家束帛聘諸儒狗監何須奏子虛大比南宮誰第一
白袍當殿賜銀魚

龍門雷鼓響豐隆百箭穿楊技不同大上河魚還繫水
退飛宋鷁豈搏風

杏園三月換銀袍
燕子西飛背伯勞
賦罷長楊傳唱急
天門金榜日華高

紅綾餅啖出宮闈
賜宴恩榮玉殿西
白髮詞臣曾射策
榜名欣見武都泥

第一場觀進士入院

畫省春風滿禮闈
綵繒雙表日暉暉
文章筆橐三千士
爛爛奎星近太微

和史參政韻

目錄作殿試
和李參政韻

五雲天近畫香殘紅白花枝滿藥闌一夜東風吹小雨
殿頭持卷隔簾看

題道友舒貴和扇

吳蚕八繭素絲多乞與天孫織扇羅冰雪地清天不暑
月中仙子種杪櫛

宋高宗書光武度田圖

漢家自有雲臺像誰取丹青畫度田宋主欲興江左業
却將書字送長年

流鶯

喬木繁陰晝景舒
檀藥綠色滿堦除
京都三月花飛盡
纔聽流鶯一轉初

暑雨

涼生紗縠玉秋清
雨氣霏霏滿鳳城
湖上荷花雲錦爛
不能臨水一閒行

沛縣水村

霜氣漸寒河未永
野雲抹空起層層
略約橋邊沽酒市

夜深篝火看魚罾

淮上初見吳牛

二首

五年衣上屬車塵
自向澄江一洗新
長角吳牛尾黑色
仰鳴知我是耕人

獨愛江邊黑牡丹
新編龍具不知寒
春來高價如金貴
背上童兒爾好看

雨霽

五月天氣雨霽時
千門楊柳綠參差
日斜暑氣清如水

手拂雲光下鳳池

官曹供冰

方冰一尺石盤光冰玉流澌每

一作出

上方何但竹林堪

避暑京華白日似年長

蜀道士歸儒

青城羽客燒丹罷要近東家問六經却笑山陰痴道士

白鷺閒覓寫黃庭

題柯敬仲乃父手澤

三十昂藏一丈夫阿翁手澤宛如初梁園奏賦雙枚健
趙括空能讀父書

功德使薩木丹巴勒藏英宗皇帝所賜御書中
有御制詩云月色清吾心日光照吾民十字大
哉君人之言也又云明仁殿書賜旦謹贊詩四
句于後

英宗朝坐明仁殿賜旦新書日月中河漢昭回光氣在
淒涼空抱小臣弓

畫牛

二首

龍具春來掛屋廡
清泥過腹雨耕勞
田間獨仰聽風鼻
不信空山野兕號

江岸騎牛襁褓翁
夕歸對婦說田功
世間無客曾相識
惟見驚飛幾鴈鴻

丁卯上京

四絕

山雨晴時已是秋
苑中行殿日華浮
長楊十萬旌旗宿
不使飛霜入畫樓

離宮秋草仗頻移天子長楊羽獵時
白鴈水寒霜露滿騎奴猶唱蹋歌詞

海國名鷹豈鵲胎渥洼天馬是龍媒
明時不惜黃金賜只欲畚王萬里來

持橐詞垣已賜金對衣侍拜更恩深
何如坐索長安米只有詩歌滿翰林

贈故人

短檠曾共雪窗書誰謂西河久索居
青眼忽逢人更好

白頭相見意何如

參議府坐贈左右司郎官

西曹東

一作清

峻東曹劇綠水紅蓮兩幕開獨有議郎官

似我手持書字近三台

寄王師魯

久憶辟雍王博士新詩不寄一篇來忽逢驛使天邊去
欲折梅花恨未開

春風御馬圖

二首

龍種權奇十二閑進來新自玉門關連錢赭白生珠汗
天子長楊羽獵還

春風楊柳華山陽肥澤都能照地光天下太平無汗血
還堪五仗事君王

樞府書事

官冰一尺石盤光丹果秋來雨後香
喜太平書檄少
坐聞清露滴清商

蔡琰圖

首二

邊月還如漢月圓
龍堆沙水咽哀弦
文姬此夕穹廬夢
應到春閨舊鏡前

蹋歌誰唱木腸兒
頗念中郎哭女時
衛霍不生陵不死
望鄉臺畔盡相思

贈溫德亨平章致仕

二首

射虎原頭百草秋
將軍年少已封侯
老來髀肉都消盡
無奈黃狐上野丘

玉帶金魚舊相臣
集仙殿裏寄閒身
長安三月花如錦

對酒休愁白髮新

昭君

旃車百輛入單于
不恨千金買畫圖
爭似山中插花女
傍家只嫁一田夫

御溝春日偶成

四首

御溝流水曉潺潺
直似長虹曲似環
流入宮牆才一尺
便分天上與人間

拍拍春波滿玉溝
酒濃花艷柳枝柔
江淹空有文如錦

不得千金買莫愁

春波十頃碧琉璃
白日樓臺照影時
好為畫船都載酒
半酣西望碧參差

水南沙路雨清塵
桃李花開蛺蝶春
三月京華寒食近
東風十里酒旗新

題墨竹

山雨瀟瀟溼翠旌
雲中仙度鳳吹笙
苔衣坐滿空林石
放鶴歸來獨自行

金匱要略卷四
題徽政院畫壁

脉脉晴光夜硯池
午窓冬暖日光移
畫屏十幅丹青古
山水亭臺是處宜

寒林積雪圖

畫角樓前初一疊
隴山寒色已飛雪
樹槎鱗皴老龍立
青林何年烟雨溼

送天錫秀才

月宮丹桂三千樹
都是嫦娥手自栽
誰折一枝江上種

秋風不到也花開

道士堦下生竹

渭川淇園有閒地如何曲屈在丹房應是葛陂化龍種
空教詩客詠簞簞

道士山房

高梧疎竹清秋裏過鴈流雲細雨中石蘚漫堦連碧綉
肉芝緣壁長丹紅

鶴索詩引頸長鳴戲以荅之

一聲清唳九皋秋竹裂松搖不自由
老衲彈琴來度曲
粼粼沙水枕門流

趙中丞折枝圖

牡丹
芙蓉

石榴
山茶

洛陽春雨溼芳菲萬斛胭脂染舞衣
帳底金盤承蜜露
東家蝴蝶不須飛

乘槎使者海西來移得珊瑚漢苑栽
只待綠陰芳樹合
蕊珠如火一時開

館娃宮裏醉西施不覺秋生水殿時
酒病却嫌丹粉惡

洗粧天上影蛾池

火齊珠紅拂翠翹石家步障曉寒消
千枝醵炬燒春夜
羯鼓催花打六么

代悼亡為陳云嶠作

燕子樓空花不開綉簾天晚月初來
手痕留在紅牙板
猶有餘香妬落梅

調虞伯生

聞君倬直奎章閣朝馬偏從小海過
衣上落花紅雨滿

馬鞍柳絮更如何

次王叅政延福宮韻

八首

五粒松脂下石扉
山花春鳥拂簷飛
道人自煮青精飯
學得仙方上馬歸

仙子新開白鶴亭
畫雲十二列山屏
簾光香轉涼颿細
坐對南華問大庭

蕊珠宮闕畫雲扉
么鳳桐花白日飛
冰水藕絲清暑宴
偷桃方朔醉忘歸

唐家漲水望雲亭三月千花隔障屏不似仙人華綠洞
雙笙吹鳳五芝庭

太乙神來月轉扉石壇秋冷葉初飛丹方可是無消息
遼鶴千年始一歸

道士南來說敬亭雲林千疊翠光屏寫書更問瀛洲叟
幾日丹牀滿後庭

翠瓦金鋪白玉扉松階五色鳳凰飛夢中不覺神仙境
却是彤庭得奏歸

草玄誰到子雲亭莫笑童烏短似屏學士橫經趨虎觀
將軍躍馬出龍庭

宿相府閒題

二首

宮垣壯對大長秋官醒瑤餅潑灑浮王府白頭老中尉
興來求酒不須謀

楊花宛轉燕初飛江上春歸客未歸官府晝長官事少
鳳池人遠見還稀

題吳娃圖

二首

金蓮燭下看蛾眉應是吳王半醉時
一自館娃宮壞後
仙苑都上落花枝

千兩金盤浴小兒
玉釵雙墮燕差池
綉窓白日無針線
却笑羅敷不畫眉

秋鴈送客

千里清淮秋鴈飛
山人歸去芰荷衣
明時莫怨身無用
獨向天南占少微

雜賦

四首

水村山店屋橫斜行盡長淮恰到家
雨雨風風六十日年光多少在天涯

空江木落月輪高千里清光見羽毛
喚起長年夜吹笛右持杯酒左持螯

古城猶說漢期思土蝕苔堦楚相祠
乞得寢丘人不奪

千里

一作年

泚水入荒陂

寒雲漠漠暝烟深溪上檀欒有樹林
艇子回時雙打槳却如賀老在山陰

到家

山房百本梅花發盡是先生手
自裁不似旗亭楊柳樹
迎人未了送人回

鴛鴦

比翼鴛鴦金縷衣
沙頭雙立對晴暉
情知愛此清江水
不向南湖北澗飛

宋徽宗畫蠨

秋橙黃後洞庭霜
郭索橫行自有匡
十里女真鳴鐵騎

宮中長畫畫無腸

道士彈琴圖

龍門千尺高桐樹天上移來石上栽
斲得春雷鳴玉澗青鸞黃鵠一時回

送王秀才南歸

梁園賦雪漢枚臯不去江南左把螯
聽得吳船溪上發恨無青竹截長篙

贈盧應奉

五更風雨送春歸人向天涯念別離忽得參差楊柳句
還如張緒少年時

吳宗師送牡丹

二首

仙家分得上林春淺白深紅間色勻走送隣翁還有意
恐隨風雨落風塵

十五年前花發時仙翁邀賞醉瑤池如今頭白無情思
只見瑤池花滿枝

寄王繼學

八詠樓高風月清故人持節駐江城老來不覺俱多病
藥裏隨身處處行

題墨梅

花開不占洛陽春野店山橋雪月新豈是歲寒偏偃蹇
還愁金谷墜樓人

題舒真人鶴峯

山中道士索題詩柿葉千層寫好詞不見籠鶯空揖去
此生雖老可臨池

楊村

霜明野水曉鄰鄰
蘆葉黃時少白蘋
船上忽逢吳客子
牽衣雙手拂征塵

絕句

三首

春雲五色建章西
流水平橋兩岸低
客子年光偏易失
御溝楊柳又鶯啼

一春不得見花開
何況飛紅墮酒杯
今日城南花萬樹
看花不肯放春回

九陌初晴拂紫埃
春衣花滿趣春回
丫丫小女相傳語
昨日堂前燕子來

雜詠

林石蒼蒼歲暮天
花禽竹鶴占苔錢
欲知丞相園亭好
自斫溪藤付釣船

畫竹

海霧溟濛暗珠浦
宮雲杳靄連玉田
借力重截十二管
吹引鸞鳳都下天

姚子中墨竹

高堂秋聲星滿河
玄雲洒雨參差多
江中頭角蛟龍子
夜風裂石將如何

舟中送干同知朱縣丞南歸二首

青天鶴子秋風骨
飛來鳩鵲觀上鳴
留得商聲滿京國
又將雲影過江城

青山白鳥坐中沒
渭樹江雲別後思
四海同年幾兄弟
知君日有寄來詩

絕句

十六首

儂家姑蘇閨門外能唱春風白紵詞為君艷歌三五曲
只愁別後苦相思

吳王蓮宮夜張樂急管哀絲翠簾幙可憐西子眉少顰
坐使長洲百花落

西江盡舸販鹽郎白紵輕衫兩袖長不肯一錢遺貧士
却拚雙玉買歌娼

維舟夜泊青泥渚楊柳千行八九家長年三老作吳語

笑我烏紗角半斜

十歲馳騎北地子八歲善酒越人孫魯國家家學絃誦
西方在在講沙門

天上冰蠶白雪絲裁成紈扇好題詩南風恰住西風起
莫道班娘有怨詞

閉門靜聽山鳥

闕

蒙籠草樹弄晴光汨汨野塘流細水

娟娟菡萏浴斜陽

初嫁郎時正盛年畫眉塗頰鬪嬋娟只知百歲專房寵

誰料君恩不似前

丹竈茶牀鼠鬣倒香爐經卷鶴為看一片孤雲無侶伴
此君得得下仙壇

綠樹交陰亂鳥啼花工次第入紅葵日長棋局誰相稱
睡起茶甌我亦宜

南溪荷花漲雲錦北堤楊柳絆晴烟留連禪客與詩客
飄泊魚船與酒船

江南女兒年十五兩髻丫丫面粉光小紅船上採蓮葉

北客初來應斷腸

盈盈小客抱琵琶歌舞王孫帝子家
彈得開元教坊曲金錢還只當泥沙

道人何愛青山住為愛青山有雲樹
一聲樵斧白雲中幾箇山禽自飛去

翡翠明珠載畫船黃金腰帶耳環穿
自言家住波斯國只種珊瑚不種田

甬東賈客錦花袍海上新收翡翠毛
買得吳船載吳女

都門日日醉東醪

戲荅王繼學

金錢賭酒夜走馬
玉帶贈客春看花
山中少年貴公子
年年塞北慣風沙

閒題二首

視草堂闕白晝遲瀛洲
仙子到來時
閣鈴不響文書靜
相對鼇峯日賦詩

上京七月燕雛飛
紫菊花開露入衣
雨霽關河秋意滿

南都應望翠華歸

薛玄卿華山隱二高道士過訪不及見

南城道士供朝飯借馬凌塵去赴鍾北館羽衣還覓我
歸來自掃雪行蹤

再答薛玄卿并謝墨

二首

京塵冉冉朝天馬辟穀仙人竹滿齋自寫烏絲吟白紵
好風吹我到無懷

崇真宮裏秋風起海上人來見隱君留得麝煤三百劑

天邊呼伴散玄雲

李老峪

李老峪中山繞屋半空嵐翠撲人衣倚窗不睡夜將靜
欲倩松風送我歸

鵬窩

山中騎馬又連朝秋雨初收暑尚驕誰借星橋橫兩頂
天風吹動髮蕭蕭

孟陽逸士

洛陽季子一裘敝東郭先生兩履穿
秋雨清泥過馬腹
長鏡白柄斲山田

憶江南

江上鱸魚三尺長
蓴羹千里入船香
人家石岸都平水
媚嫵吳娃出後堂

載酒堂

春來海國荔枝紅
都屬儋州禿鬢翁
載酒堂高天地小
風流豈在百年中

寄示男武子

爛漫天孫織錦機
春風吹雨洗芳菲
香泥滿地胭脂溼
只許新來燕子飛

訪伯堂宗師不遇

修竹庭深犬吠門
蕭蕭蘭若似山村
主人賣藥城中去
落葉聲乾鶴夢喧

寄栢堂

金水橋西天竺寺
一來一度石苔新
劉郎莫怨玄都觀

去後桃花見主人

寄吳宗師謝古篆

黃帝外臣仙籍史名香
遠寄白雲峯山人焚罷談玄理
散作仙霞一萬重

題柳道傳詩卷

九曲珠穿蟻度絲
雙環鏡透月輪虧
人間自有鸞鸞侶
早奏簫韶見鳳儀

次韻王繼學

二首繼學前身乃楚州僧

淮地瞿曇悞夙姿
今生記得未生時
轉羞薜荔無真說
却訝芙蓉似近時

三伏灤京酒醖同
分飛鴻鴈怨秋風
誰知上店前宵月
只在盧仝草屋東

題扇面

兩汀對出寒蘆折
一鳥高飛古木疎
無影無聲何處鴈
莫因菰米寄人書

明月亭

霜寒江渚生秋影星繞天河下露聲歸鴈夕陽佳句好
題詩應自愧平生

挽道士危公遠

二首

紫皇朝坐靈芝宮羽人往奏新宮銘笙簫不下鶴一去
蓬萊洲上種黃精

海風吹折三珠樹蛻骨胎仙上赤霄石室丹經塵不隔

道人他

一作臨
又作傳

寫寫甘蕉

送牟景陽

三首

江東船去載丹橘
天北人來問碧雲
知是故家書滿室
茗溪他日約平分

清袍儒士漢淹留
詞賦相如亦倦遊
桂樹山中生滿石
借船同去覓滄洲

龍虎山邊是上饒
山中羽服盡逍遙
春來筍蕨應無數
況有仙家送酒瓢

和李彥方

七首

海碣盤盤楫

一作接

帝鄉東華日近見
龍光太常馬惡愁

齋酒曹務休分騎省郎

寄書日日問滄洲莫打江鷗與海鷗
春水滿溪畦稻發洛陽花好不須遊

乞得閒官出謁遲讀書更不讀韓非
京華楊柳千門日何處鳴蟬飲露肥

龍門八節奏雲和竹管新聲怨恨多
好向都城傳滿紙聯翩雕績過陰何

梁鴻杵臼北邙思百里令人賦虞庠
王謝堂前雙燕好


營巢了後更無為

百花落地蜂翅閒萬樹生陰鶯語闌
海舶水邊求玳瑁
玉田石上長琅玕

李白新裁柿葉書都人傳寫到天餘
題詩崔顥今重見
老蚌含珠對望舒

桃花馬

白毛紅點巧安排勾引春風上背來
莫解雕鞍橋下浴
恐隨流水泛天台



石田文集卷四